



Broj: 02-05-21955-8/16
Sarajevo, 23.06.2016. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo je na **47.** sjednici održanoj **23.06.2016.** godine, donijela sljedeći

ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec maj 2016. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

PREMIJER

Elmedin Konaković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
SARAJEVO

INFORMACIJA
O STANJU KRIMINALITETA, JAVNOG REDA I MIRA I SIGURNOSTI
SAOBRAĆAJA NA PODRUČJU KANTONA SARAJEVO
ZA MJESEC MAJ 2016. GODINE

Sarajevo, Maj 2016. godine

1. KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu Maju 2016. godine, na području Kantona Sarajevo registrovana su 422 krivična djela¹ što je za jedno djelo ili 0,2% više u odnosu na isti mjesec prethodne godine.

Od ukupnog broja registrovanih krivičnih djela, 160 ili 37,9% izvršeno je od strane poznatih, a 262 ili 62,1% od strane nepoznatih izvršilaca.

Za 101-no djelo ili 38,5% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 58 krivičnih djela iz izvještajnog, a 43 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu Maju 2016. godine za ukupno 261-no krivično djelo ili 61,8%, identifikovali osumnjičene izvršioce, što je za 0,7% manje u odnosu na isti mjesec prethodne godine.

OSNOVNI STATISTIČKI POKAZATELJI KRIMINALITETA U MJESECU MAJU 2016. GODINE

mjesec	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
maj 2016.	422	160	262	101	43	201	13	121	66
maj 2015.	421	135	286	128	44	223	13	152	105
<i>uporedba</i>	<i>1</i>	<i>25</i>	<i>-24</i>	<i>-27</i>	<i>-1</i>	<i>-22</i>	<i>0</i>	<i>-31</i>	<i>-39</i>
	<i>0,2%</i>	<i>18,5%</i>	<i>-8,4%</i>	<i>-21,1%</i>	<i>-2,3%</i>	<i>-9,9%</i>	<i>0%</i>	<i>-20,4%</i>	<i>-37,1%</i>

Zbog postojanja osnova sumnje da su počinili krivična djela prijavljeno je 201-no lice (22 ili 9,9% manje), od čega je 121 povratnik (31 ili 20,4% manje) u izvršenju krivičnih djela (ili 60,2% od broja prijavljenih lica), 13 maloljetnika (isti broj), a 66 lica je lišeno slobode (39 ili 37,1% manje).


¹Tokom mjeseca maja ove godine Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 343 obavijesti (13 manje) o događajima u kojima je pričinjena neznatna materijalna šteta.

Pregled kriminaliteta na području Kantona Sarajevo u mjesecu Maju 2016/15. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	maj 2016.	maj 2015.	uporedba		rasvj. maj 2016.	
			+/-	%	broj kd	%
Protiv života i tijela	14	9	5	55,6%	14	100%
Protiv slobode i prava čovjeka i građanina	10	8	2	25%	10	100%
Protiv spolne slobode i morala	1	2	-1	-50%	2	200% ²
Protiv braka, porodice i mladeži	19	14	5	35,7%	19	100%
Protiv zdravlja ljudi	21	29	-8	-27,6%	21	100%
Protiv privrede, poslovanja i sigurnosti plat.	8	0	8	---	8	100%
Protiv imovine	303	308	-5	-1,6%	142	46,9%
Protiv opće sigurnosti ljudi i imovine	5	16	-11	-68,8%	4	80%
Protiv sigurnosti javnog prometa	9	10	-1	-10%	9	100%
Protiv pravosuđa	1	1	0	0%	1	100%
Protiv javnog reda i pravnog prometa	24	20	4	20%	24	100%
Protiv podmićivanja i krivična djela protiv službene i druge odgov. funkcije	2	1	1	100%	2	100%
ZONDINOIM-a - Zakon o nabavljanju, držanju i nošenju oružja i municije (Sl.novineKS br.38/07)	5	3	2	66,7%	5	100%
UKUPNO	422	421	1	0,2%	261	61,8%

U mjesecu Maju 2016. godine u odnosu na isti mjesec prethodne, zabilježeno je neznatno povećanje broja registrovanih krivičnih djela za jedno ili 0,2%. Povećanja su zabilježena u oblasti protiv privrede, poslovanja i sigurnosti platnog prometa (za osam djela), života i tijela (za pet), braka, porodice i mladeži (za pet), javnog reda i pravnog prometa (za četiri), itd., dok je smanjenje evidentirano u oblastima protiv opće sigurnosti ljudi i imovine (za 11), zdravlja ljudi (za osam), imovine (za pet djela), itd.

Grafički prikaz broja registrovanih i rasvijetljenih krivičnih djela po policijskim upravama MUP-a KS



PREGLED REGISTROVANIH KRIVIČNIH DJELA NA PODRUČJU KANTONA SARAJEVO U MJESECU
MAJU 2016. GODINE

ČLAN	KZ	Naziv člana	UKUPNO	KD ³	NN	NI
				422	262	101
166/28	FBiH	UBISTVO U POKUŠAJU		1	0	0
172	FBiH	TEŠKA TJELESNA OZLJEDA		7	1	1
173	FBiH	LAHKA TJELESNA OZLJEDA		6	0	0
183	FBiH	UGROŽAVANJE SIGURNOSTI		10	0	0
203	FBiH	SILOVANJE		0	0	1
213	FBiH	RODOSKVRNUĆE		1	0	0
217	FBiH	ODUZIMANJE DJETETA ILI MALOLJETNIKA		1	0	0
222	FBiH	NASILJE U PORODICI		18	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA		2	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA		19	0	0
268/31	FBiH	OBMANA PRI DOBIJANJU KREDITA I DRUGIH POGODNOSTI U SAUČINITELJSTVU		8	0	0
286	FBiH	KRAĐA		38	28	12
287	FBiH	TEŠKA KRAĐA st 1.tačka a)		171	167	51
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN		9	9	4
287/28	FBiH	TEŠKA KRAĐA U POKUŠAJU		6	5	5
287/33	FBiH	TEŠKA KRAĐA U POMAGANJU		0	0	1
288	FBiH	RAZBOJNIČKA KRAĐA		1	1	0
289	FBiH	RAZBOJNIŠTVO		45	43	17
289/28	FBiH	RAZBOJNIŠTVO U POKUŠAJU		0	0	2
290	FBiH	UTAJA		6	0	0
293	FBiH	OŠTEĆENJE TUĐE STVARI		9	2	2
294	FBiH	PRIJEVARA		12	1	1
295	FBiH	IZNUDA		1	0	0
300	FBiH	PRIKRIVANJE		5	2	2
323	FBiH	IZAZIVANJE OPĆE OPASNOSTI		3	1	0
327	FBiH	NESAVJESNO ČUVANJE PASA I DRUGIH OPASNIH ŽIVOTINJA		1	0	0
328	FBiH	TEŠKA KRIVIČNA DJELA PROTIV OPĆE SIGURNOSTI LJUDI I IMOVINE		1	0	0
332	FBiH	UGROŽAVANJE JAVNOG PROMETA		1	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA		8	0	0
346	FBiH	POMOĆ UČINITELJU POSLIJE UČINJENOG KRIVIČNOG DJELA		1	0	0
362	FBiH	NASILNIČKO PONAŠANJE		10	2	2
369	FBiH	LAŽNO PREDSTAVLJANJE		4	0	0
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJIA		1	0	0
373	FBiH	KRIVOTVORENJE ISPRAVE		7	0	0
375	FBiH	OVJERAVANJE NEISTINITOG SADRŽAJA		2	0	0
383	FBiH	ZLOUPOTREBA POLOŽAJA ILI OVLAŠĆENJA		1	0	0
384	FBiH	PRONEVJERA U SLUŽBI		1	0	0
Zakon o nabavljanju, držanju i nošenju oružja i municije (Sl. novine KS br. 38/07)				5	0	0

² U izvještajnom mjesecu rasvijetljeno je i krivično djelo silovanja iz člana 203. KZ FBiH-a koje je prijavljeno po nepoznatom izvršiocu u mjesecu Aprilu 2016. godine

³ KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršioци

1.2. PREGLED KRIVIČNIH DJELA PO OBLASTIMA

1.2.1. KRIVIČNA DJELA PROTIV ŽIVOTA I TIJELA

Tokom mjeseca Maja 2016. godine u ovoj oblasti evidentirano je 14 krivičnih djela (pet više u odnosu na mjesec maj 2015. godine) i to: ubistvo u pokušaju - jedno djelo (nije bilo ovih djela u uporednom mjesecu), teška tjelesna ozljeda – sedam (četiri više) i lahka tjelesna ozljeda – šest djela (isti broj).

Iz ove oblasti sva djela su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 14 lica, od kojih je devet povratnika ili 64,3%, a pet je lišeno slobode.

Dana, 23.05.2016. godine, oko 00,30 sati, u ulici Nova cesta, općina Vogošća, H.Omer (1995) je nakon kraće verbalne prepirke, upotrebom noža nanio tešku tjelesnu ozljedu opasnu po život Kaknjašević Neziru (1962). Zbog postojanja osnova sumnje da je počinio krivično djelo iz člana 166. u vezi sa članom 28. KZ FBiH-a (Ubistvo u pokušaju) imenovani je lišen slobode i uz službeni izvještaj predat nadležnom tužilaštvu.

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je deset krivičnih djela (dva više) - ugrožavanje sigurnosti za čije je izvršenje prijavljeno 11 lica od kojih je sedam povratnika ili 63,6%, a dva su lišena slobode.

Krivična djela ugrožavanja sigurnosti evidentirana su na području sljedećih općina: Stari Grad i Hadžići - po četiri, Novo Sarajevo i Novi Grad - po jedno djelo, a počinjena su upućivanjem verbalnih prijetnji, pisanjem poruka prijetjećeg sadržaja i sl. bez težih posljedica po oštećene.

1.2.3. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirano je jedno djelo (jedno manje u odnosu na uporedni mjesec) - rodoskrnuće, a zbog postojanja osnova sumnje da je počinio ovo djelo prijavljeno je jedno lice.

Zbog postojanja osnova sumnje da je tokom mjeseca februara 2016. godine u stanu u ulici Nerkeza Smailagića, općina Novi Grad seksualno zlostavljao svoju kćerku R.J. čime bi počinio krivično djelo iz člana 213. KZ FBiH-a (Rodoskrnuće) lišen je slobode i uz službeni izvještaj predat nadležnom tužilaštvu R. Avdilj (1942).

1.2.4. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 19 djela (pet više) i to: nasilje u porodici - 18 i oduzimanje djeteta ili maloljetnika - jedno djelo, a zbog postojanja osnova sumnje da su ih počinili prijavljeno je 19 lica, od kojih je 14 povratnika ili 73,7%, a 11 je lišeno slobode.

Krivična djela nasilje u porodici evidentirana su na području općina: Novi Grad - pet, Ilidža - tri, Stari Grad, Centar, Novo Sarajevo, Vogošća i Ilijaš - po dva djela.

1.2.5. KRIVIČNA DJELA PROTIV ZDRAVLJA LJUDI

Prijavljeno je 21-no krivično djelo iz oblasti protiv zdravlja ljudi (osam manje) i to:
- neovlašćena proizvodnja i stavljanje u promet opojnih droga (čl. 238. KZ FBiH) – dva,
- posjedovanje i omogućavanje uživanja opojnih droga (čl. 239. KZ FBiH) –19 djela.

Zbog postojanja osnova sumnje da su počinili navedena djela podneseni su službeni izvještaji protiv 20 lica od kojih je 14 povratnika ili 70% , a 11 je lišeno slobode.

Policijski službenici Uprave policije MUP-a KS su Kantonalnom tužilaštvu Sarajevo podnijeli službene izvještaje protiv G. Đanija (1993) i A. Husama (1993) zbog postojanja osnova sumnje da su u proteklom periodu u više navrata kupovali opojnu drogu „Marihuanu“ i „Ecstasy“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 18 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, “Heroin”, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU MAJU 2016/15. GODINE

VRSTA OPOJNE DROGE	MAJ 2016. GODINE	MAJ 2015. GODINE
Marihuana (paketići)	18	30
Marihuana (JOINT - cigarete)	1	1
Marihuana (u gramima)	---	669
Heroin (paketići)	3	3
Heroin (u gramima)	---	101
Amfetamin (paketići)	---	14
Amfetamin (u gramima)	---	608
Ecstasy (tablete)	---	2
Cannabis (stabljike)	---	8
pribor sa ostacima droge (komada)	1	7

Takođe s ciljem pronalazjenja narkotičkih sredstava izvršen je pretres 16 lica, dva stambena objekata i automobila po usmenim naredbama Opštinskog suda u Sarajevu.

1.2.6. KRIVIČNA DJELA PROTIV IMOVINE

U izvještajnom mjesecu, registrovana su 303 krivična djela protiv imovine, što je za pet djela ili 1,6% manje u odnosu na isti mjesec prošle godine. Među djelima iz ove oblasti najbrojnije su: teške krađe – 180 djela (isti broj djela), zatim krađe – 38 (šest manje), razbojništvo – 45 (dva manje), prijevara - 12 (devet više), oštećenje tuđe stvari – devet (pet manje), teška krađa u pokušaju – šest (dva manje), utaja – šest (dva više), itd.

Za ukupno 142 ova djela ili 46,9% identifikovan je osumnjičeni izvršilac što je za 2,5% manja rasvijetljenost imovinskih delikata u odnosu na maj predhodne godine.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 82 slučaja (devet manje), zatim slijede stambeni objekti - 47 (24 više), poslovni objekti - 23 (18 manje), itd.

Na području Kantona Sarajevo u mjesecu Maju ove godine izvršena su 72 krivična djela teških krađa motornih vozila od čega je 18 ili 25% pronađeno i vraćeno vlasnicima (od strane policije MUP-a KS vraćena su dva vozila, MUP RS-a – dva i vlasnici su sami pronašli – 14 vozila).

Broj teških krađa motornih vozila, u odnosu na uporedni mjesec ostao je isti.

PREGLED BROJA OTUĐENIH I VRAĆENIH MOTORNIM VOZILA NA PODRUČJU KANTONA SARAJEVO
PO POLICIJSKIM UPRAVAMA U MJESECU MAJU 2016. GODINE

POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih mv	26	8	23	15	0	72
broj vraćenih mv	9	2	4	3	0	18
% vraćenih mv	34,6%	25%	17,4%	20%	---	25%

UPOREDNI PREGLED BROJA OTUĐENIH MOTORNIM VOZILA NA PODRUČJU KANTONA SARAJEVO PO
POLICIJSKIM UPRAVAMA U MJESECU MAJU 2016/15. GODINE

POLICIJSKA UPRAVA	I PU	II PU	III PU	IV PU	V PU	UKUPNO	
broj otuđenih motornih vozila – maj 2016. godine	26	8	23	15	0	72	
broj otuđenih motornih vozila – maj 2015. godine	23	14	17	16	2	72	
uporedba maj 2016/15. godine	+, -	3	-6	6	-1	-2	0
	%	13%	-42,9%	35,3%	-6,3%	---	isto

Prijavljeno je 38 krivičnih djela krađe (šest manje), koja su izvršena 13 puta u poslovnim prostorijama, devet puta u vozilima i na stajalištima GRAS-a, sedam u stambenim objektima, pet puta na ulici, itd. odakle su otuđivani novčanici, mobiteli, auto dijelovi, bicikli, alati, itd.


U mjesecu Maju 2016. godine, registrovano je 45 krivičnih djela razbojništva (dva manje), od čega je za 19 djela ili 42,2% identifikovan osumnjičeni izvršilac što je za 2,5% manje u odnosu na maj prethodne godine.

Razbojništva su evidentirana na području općina: Novo Sarajevo – 16 (četiri manje), Novi Grad – 11 (osam više), Centar – sedam (tri više), Ilidža – šest (dva manje), Stari Grad - četiri (četiri manje), itd.

Ova djela izvršena su prijetnjom upotrebe vatrenog oružja - 10 puta, prijetnjom upotrebe noža ili drugog oštrog predmeta – 23 i upotrebom fizičke snage – 12 puta, a počinjena su u prodavnici – 17 puta, u sportskoj kladionici i na ulici – 11, u apoteci - četiri i na benzinskoj pumpi - dva. Otudivan je novac, mobiteli, cigarete, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv devet lica, od kojih je sedam povratnika ili 77,8% u činjenju krivičnih djela, a tri su lišena slobode.


Grafički prikaz broja registrovanih krivičnih djela iz člana 289. KZFBiH (razbojništvo) po policijskim upravama MUP-a KS



Evidentirano je devet krivičnih djela teških krađa na naročito opasan ili naročito drzak način (četiri manje), u kojima su izvršiocima, upotrebom fizičke snage – šest puta, te verbalnom prijetnjom u tri slučaja, otimali mobitele, nakit i novac. Sva ova djela izvršena su na ulici.

Za ukupno četiri djela identifikovani su osumnjičeni izvršiocima ili 44,4% (17,1% manje u odnosu na uporedni mjesec), a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv tri lica povratnika u činjenju krivičnih djela, a jedno je lišeno slobode.

Grafički prikaz broja registrovanih krivičnih djela iz člana 287.st (1) tačka b) KZFBiH (teška krađa na naročito opasan ili naročito drzak način) po policijskim upravama MUP-a KS



1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je pet djela (11 manje) i to: izazivanje opće opasnosti - tri, nesavjesno čuvanje pasa i drugih opasnih životinja i teška krivična djela protiv opće sigurnosti ljudi i imovine - po jedno djelo, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv pet lica, a jedno je lišeno slobode.


Krivična djela izazivanja opće opasnosti (tri djela) izvršena su na ulici, u stambenoj zgradi i u poslovnom prostoru. U jednom slučaju pucano je iz vatrenog oružja i dva puta je otvorenim plamenom izazvan požar. Posljedica izvršenja navedenih djela je nastala materijalna šteta i uznemirenost građana.

1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovana su 24 krivična djela (četiri više) i to: nasilničko ponašanje – deset, krivotvorenje isprave - sedam, lažno špredstavljanje - četiri, ovjeravanje neistinitog sadržaja - dva i nedozvoljeno držanje oružja ili eksplozivnih materija – jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 21-nog lica, od kojih je devet povratnika ili 42,9%, a šest je lišeno slobode.

Grafički prikaz broja registrovanih krivičnih djela iz člana 362 KZFBiH
(nasilničko ponašanje) po policijskim upravama MUP-a KS



1.3. KRIVIČNA DJELA POČINJENA OD STRANE MALOLJETNIH IZVRŠILACA


U toku mjeseca Maja 2016. godine policijski službenici su podnijeli službene izvještaje nadležnom tužilaštvu protiv 13 maloljetnih lica zbog osnova sumnje da su počinili 16 krivičnih djela. U poređenju sa istim mjesecom 2015. godine, broj krivičnih djela za čije izvršenje su prijavljena maloljetna lica povećan je za pet ili 45,5%, dok je broj prijavljenih maloljetnih učinilaca krivičnih djela ostao isti.

Pregled broja maloljetnih izvršilaca krivičnih djela za mjesec Maj 2016. godine
prema starosnoj strukturi

Starosna dob maloljetnika	od 14 do 16 god.	od 16 do 18 god.	ukupno
Broj maloljetnih izvršilaca	6	7	13

Među maloljetnim učiniocima krivičnih djela, šest je u dobi od 14 do 16 godina, a sedam u dobi od 16 do 18 godina. Pet maloljetnika (38,5%) su povratnici u izvršenju krivičnih djela.

Grafički prikaz broja krivičnih djela izvršenih od strane maloljetnih izvršilaca u toku mjeseca Maja 2016. godine, po policijskim upravama



Maloljetna lica prijavljena su zbog krivičnih djela iz oblasti protiv imovine (13), te zbog krivičnih djela: teška tjelesna ozljeda (1) i nasilničko ponašanje (2).

Pregled registrovanih krivičnih djela izvršenih od strane maloljetnih lica-mjesec Maj 2016/2015. godine

Naziv krivičnog djela	Maj 2016.	Maj 2015.	+ - %
<i>Teška tjelesna povreda</i>	1	1	0,0
<i>Bludne radnje</i>		1	-100,0
<i>Krađa</i>		2	-100,0
<i>Teška krađa</i>		1	-1000
<i>Teška krađa-pokušaj</i>	5		
<i>Teška krađa na naročito drzak i opasan način</i>	2	3	-33,3
<i>Razbojništvo</i>	5		
<i>Razbojništvo-pokušaj</i>		1	-100,0
<i>Iznuda</i>	1		
<i>Nasilničko ponašanje</i>	2		
<i>Nesavjesno čuvanje pasa i dr. opasnih životinja</i>		1	-100,0
ukupno	16	11	+45,5

1.4. OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca Maja 2016. godine na području Kantona Sarajevo nije bilo registrovanih slučajeva aktiviranja minsko-eksplozivnih sredstava (četiri u istom mjesecu 2015. godine).

Takođe, nisu evidentirani ni slučajevi anonimnih dojava o postavljenim eksplozivnim napravama (kao ni u istom mjesecu 2015. godine).

1.4.2. POŽARI

Tokom mjeseca Maja 2016. godine, na području Kantona Sarajevo registrovano je 11 požara (11 manje) u kojima je šest lica lakše povrijeđeno.

Požari su registrovani na području općina: Ilidža - pet, Centar, Novo Sarajevo i Novi Grad – po dva požara.

Prema statističkim pokazateljima, pet požara je izazvano namjerno, tri zbog tehničkih nedostataka, dva su prouzrokovana nehatom, dok uzrok jednog požara spada u kategoriju ostalih.

Zbog izazivanja požara, nadležnom tužilaštvu su podnesena dva službena izvještaja iz člana 323 KZ FBiH (izazivanje opće opadnosti).

1.4.3. SAMOUBISTVA

U mjesecu Maju 2016. godine na području Kantona Sarajevo registrovana su tri samoubistva (jedno manje), izvršenih vješanjem.

Izvršiocu su dva muškarca starosne dobi od 40 do 50 i od 60 do 70 godina i jedna žena starosne dobi preko 70 godina.

1.4.4. OSTALE AKTIVNOSTI

U izvještajnom mjesecu, pripadnici policije su u sklopu operativnih aktivnosti izvršili pretres 96 lica, 10 stanova, izvršili utvrđivanje identiteta za 38 lica i lišili slobode tri lica za kojima je bila raspisana potjernica. Takođe, pruženo je 50 asistencije i to na zahtjev državnih organa 28, a po zahtjevu organa i organizacija javnih ovlaštenja – 22 asistencije.

U cilju dokumentovanja krivičnih djela i identifikacije izvršilaca, izvršeno je 315 uviđaja, pronađena i obrađena 684 traga, u 246 slučajeva fotografisano je lice mjesta, 13 puta je skicirano, izvršena su 53 vještačenja i daktiloskopirano 20 lica.

U okviru potražne djelatnosti raspisano je 16 potjernica po naredbama sudova Kantona Sarajevo, a devet je obustavljeno (iz izvještajnog i ranijeg perioda). Takođe, zaprimljeno je 13 prijava o nestalim licima, a 11 je obustavljeno.

U okviru depešnog saobraćaja predato je 2.227 depeša, primljene 4.404, zatim tranzitirano 630, dok je za područje RS-a i Granične policije faksom predato 31-na depeša, što ukupno iznosi 7.292 komada obrađenih i razmjenjenih depeša.

Za potrebe tužilaštva i drugih nadležnih organa izvršene su 3.464 provjere iz službenih evidencija, na zahtjev građana izdato 349 uvjerenja o njihovoj osuđivanosti ili neosuđivanosti, otvorena 82 nova dosja i evidentirana 382 lica oštećena činjenjem krivičnih djela. U izvještajnom mjesecu kontinuirano su pripremane informacije, bilteni, pregledi i analize za interno i eksterno informisanje.

2. JAVNI RED I MIR


U toku mjeseca Maja 2016. godine, policijski službenici MUP-a Kantona Sarajevo su protiv učinilaca prekršaja kojima se narušava javni red i mir preduzeli ukupno 587 prekršajnih sankcija, od kojih se 485 odnosi na prekršajne naloge, a 102 na zahtjeve za pokretanje prekršajnog postupka. Prekršajne sankcije preduzete su protiv 624 lica. U odnosu na isti mjesec 2015. godine broj prekršajnih sankcija povećan je za 87 ili 17,4%, a broj učinilaca prekršaja povećan je za 82 ili 15,1%.

Najveći broj prekršajnih sankcija odnosi se na prekršaje utvrđene Zakonom o prekršajima protiv javnog reda i mira (522 ili 88,9%), dok se na prekršaje utvrđene Odlukom općinskih vijeća o javnom redu i miru odnosi 65 ili 11,1% sankcija.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, jedno lice je teže povrijeđeno (u istom mjesecu 2015. godine nijedno), dok su lakše povrijeđena 23 lica (šest ili 20,7% manje).


Prema starosnoj strukturi lica protiv kojih su preduzete prekršajne sankcije najbrojniji su oni preko 36 godina (352), zatim između 26 i 35 godina (148) i između 19 i 25 godina (123). Jedan učinilac je maloljetno lice. Među učiniocima prekršaja iz oblasti javnog reda i mira, 120 je povratnika u izvršenju ovih prekršaja (ili 20,4%).

Grafički prikaz broja prekršajnih sankcija preduzetih u toku mjeseca Maja 2016./2015. godine, po policijskim upravama (i Jedinica za saobraćaj)



Posmatrano po policijskim upravama, najveći broj prekršajnih sankcija preduzeli su policijski službenici Prve policijske uprave (380 ili 64,7% od ukupnog broja), zatim Druge (63 ili 10,7%), Četvrte (56 ili 9,5%), Treće (40 ili 6,8%), te Pete policijske uprave (38 ili 6,5%). Službenici Jedinice za saobraćaj MUP-a Kantona Sarajevo uručili su 10 prekršajnih naloga (ili 1,7%).

Grafički prikaz broja prekršajnih sankcija u toku mjeseca Maja 2016./2015. godine, po policijskim stanicama



Povećanje broja prekršajnih sankcija, u odnosu na mjesec Maj 2015. godine, imale su policijske stanice:

- Stari Grad (za osam ili 5,1%);
- Centar (za 72 ili 50,7%);
- Novi Grad (za dva ili 5,3%);
- Vogošća (za 25 ili 833,3%);
- Ilijaš (za šest ili 150%) i
- Ilidža (za osam ili 29,6%)

Smanjenje broja prekršajnih sankcija imale su policijske stanice:

- Novo Sarajevo (za 34 ili 35,1%) i
- Hadžići (za tri ili 13%).

Policijsko odjeljenje Trnovo imalo je povećanje broja prekršajnih sankcija za jedan, a Jedinica za saobraćaj MUP-a KS povećanje za dva ili 25%.

Tabelarni pregled strukture prekršaja iz oblasti javnog reda i mira
za mjesec Maj 2016./2015.godina

Prekršaji iz zakona o JRiM:	Maj 2016.	Maj 2015.	+ - %
<i>-Tuče</i>	41	38	+7,9
<i>-Naročito drsko ponašanje</i>	57	57	0,0
<i>-Odbijanje naređenja i omalovaž. pol. služb.</i>	29	38	-23,7
<i>-Prosjačenje</i>	331	266	+24,4
<i>-Svađa, vika, nepristojno ponašanje</i>	11	12	-8,3
<i>-Neovlaštena upotreba oružja</i>	1		
<i>-Paljenje petardi</i>		4	-100,0
<i>-Ostali prekršaji iz Zakona o JRiM</i>	52	48	+8,3
Prekršaji prema Odluci općinskog vijeća o JRiM	65	37	+75,7
ukupno	587	500	+17,4

Najbrojniji su prekršaji učinjeni prosjačenjem (331 ili 56,4%), zatim naročito drskim ponašanjem (57 ili 9,7%), tučama (41 ili 7%), te odbijanjem naređenja i omalovažavanjem policijskih službenika (29 ili 4,9%). Zbog prekršaja učinjenih svadom, vikom i nepristojnim ponašanjem preduzeto je 11, zbog neovlaštene upotrebe oružja jedna i zbog svih ostalih prekršaja 52 prekršajne sankcije. Zbog prekršaja koji su utvrđeni Odlukom općinskih vijeća o javnom redu i miru preduzeto je 65 prekršajnih sankcija.

U odnosu na isti mjesec 2015. godine, u proteklom mjesecu povećan je broj prekršajnih sankcija zbog prekršaja učinjenih prosjačenjem, tučama, zbog ostalih prekršaja, kao i prekršaja koji su regulisani odlukom općinskih vijeća o javnom redu i miru, a smanjen je broj prekršaja učinjenih odbijanjem naređenja i omalovažavanjem policijskih službenika, svadom, vikom i nepristojnim ponašanjem, te paljenjem petardi.

Prema mjestu izvršenja, najveći broj prekršajnih sankcija preduzet je zbog prekršaja kojima se narušava javni red i mir na ulici i na drugim otvorenim prostorima (547 ili 93,2%), a znatno manje u ugostiteljskim objektima (24), trgovinskim radnjama (jedan), školama i školskim dvorištima (jedan) i na ostalim mjestima (14).

Tabelarni pregled broja preduzetih prekršajnih sankcija
u mjesecu Maju 2016/2015. godine, prema mjestu izvršenja

MJESTO IZVRŠENJA	Maj 2016.	Maj 2015.	+ - %
Ugostiteljski objekti	24	24	0,0
Ulice i drugi otvoreni prostori	547	424	+29,0
Vozila javnog saobraćaja		1	-100,0
Sportski stadioni i dvorane		2	-100,0
Škole i školska dvorišta	1	1	0,0
Trgovine i zanatske radnje	1	2	-50,0
Ostala mjesta	14	46	-69,6
UKUPNO	587	500	+17,4

U odnosu na isti mjesec 2015. godine, u proteklom mjesecu povećan je samo broj prekršaja izvršenih na ulici i drugim otvorenim prostorima.

Kada su u pitanju krivična djela izvršena u školama i školskim dvorištima, u mjesecu Maju ove godine policijski službenici podnijeli su dva službena izvještaja zbog krivičnih djela na ovom lokalitetu (u istom mjesecu 2015. godine nijedno), a radi se o krivičnim djelima teška tjelesna povreda i iznuda.

Policijski službenici su u toku mjeseca Maja 2016. godine bili angažovani na osiguranju brojnih javnih skupova koji su održani na području Kantona Sarajevo i tim povodom preduzimane su odgovarajuće planske aktivnosti na njihovom bezbjednom odvijanju, tako da su sva javna okupljanja protekla bez narušavanja javnog reda i mira. Policijski službenici bili su angažovani na osiguranju 325 javnih skupova (152 ili 87,9% više u odnosu na mjesec Maj 2015. godine), a u 52 slučaja (12 ili 30% više) izvršeno je KDZ osiguranje ovih skupova.

3. SAOBRAĆAJ

Tokom mjeseca Maja 2016. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa materijalnom štetom i broja poginulih lica, dok je smanjen broj nezgoda sa nastradalim licima. Broj povrijeđenih lica isti je kao u maju prošle godine.

Evidentirano je 1.005 saobraćajnih nezgoda (21 ili 2,1 % više), 933 sa materijalnom štetom (23 ili 2,5 % više) i 72 sa nastradalim licima (dvije ili 2,7 % manje).

U naselju su registrovane 942 saobraćajne nezgode (dvije sa poginulim, 66 sa povrijeđenim licima i 874 sa materijalnom štetom), van naselja 63 nezgode (četiri sa povrijeđenim licima i 59 sa materijalnom štetom).

Evidentirano je 278 saobraćajnih nezgoda na raskrsnicama u naselju, 19 na raskrsnicama van naselja, tri na pješačkom prelazu, dvije na nadvožnjaku, jedna na prelazu preko željezničke pruge i 702 saobraćajne nezgode čije se karakteristike puta ubrajaju u kategoriju ostalih.

Usporedni pokazatelji saobraćajnih nezgoda i posljedica na području Kantona Sarajevo za mjesec Maj 2016./2015. godina

	Maj 2016.	Maj 2015.	+,-,%
UKUPNO SAOBRAĆAJNIH NEZGODA	1.005	984	+ 21 ili 2,1 %
Saobraćajne nezgode sa nastradalim licima	72	74	- 2 ili 2,7 %
Saobraćajne nezgode sa materijalnom štetom	933	910	+ 23 ili 2,5 %
POGINULO LICA	2	1	+ 1 ili 100 %
- vozači	1	0	+ 1
-putnici	0	0	----
- pješaci	1	1	isto
POVRIJEĐENO LICA	100	100	isto
- vozači	46	47	- 1 ili 2,1 %
- putnici	29	31	- 2 ili 6,4 %
- pješaci	25	22	+ 3 ili 13,6 %

Najveći broj saobraćajnih nezgoda evidentiran je na području općina: Ilidža (215) i Centar (214). Najveće povećanje broja saobraćajnih nezgoda registrovano je na području općine Ilidža (za 42 ili 24, 3 %), a smanjenje na području općine Centar (za 24 ili 10,1 %).

Tabelarni pregled broja saobraćajnih nezgoda po općinama
za mjesec Maj 2016./2015. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
2016	102	214	141	203	215	29	3	55	43	1.005
2015	83	238	159	208	173	32	0	59	32	984
+,-%	+ 19 ili 22,9 %	- 24 ili 10,1 %	- 18 ili 11,3 %	- 5 ili 2,4 %	+ 42 ili 24,3 %	- 3 ili 9,4 %	+ 3	- 4 ili 6,8 %	+ 11 ili 34,4 %	+ 21 ili 2,1 %

3.1. POSLJEDICE SAOBRAĆAJNIH NEZGODA

Tokom mjeseca Maja 2016. godine, u saobraćajnim nezgodama na području Kantona Sarajevo 102 lica su nastradala (jedno ili 1 % više). Dva lica su poginula⁴ (jedno više), dok je 100 lica povrijeđeno (isto), 18 teže i 82 lakše.

Među povrijeđenim licima evidentirano je:

- 46 vozača (jedan manje)
- 29 putnika (dva manje)
- 25 pješaka (tri više)

Tabelarni pregled nastradalih lica u saobraćajnim nezgodama po kategoriji učesnika
za mjesec Maj 2016./2015. godina

	POGINULO			TEŠKO POVRIJEĐENO			LAKŠE POVRIJEĐENO		
	Maj 2016.	Maj 2015.	+,-%	Maj 2016.	Maj 2015.	+,-%	Maj 2016.	Maj 2015.	+,-%
VOZAČI	1	0	+ 1	5	6	- 1 ili 16,7 %	41	41	isto
PUTNICI	0	0	-----	1	2	- 1 ili 50 %	28	29	- 1 ili 3,4 %
PJEŠACI	1	1	isto	12	6	+ 6 ili 100 %	13	16	- 3 ili 18,7 %
UKUPNO	2	1	+ 1 ili 100 %	18	14	+ 4 ili 28,6 %	82	86	- 4 ili 4,6 %

Kada je u pitanju stepen povreda, pet vozača je teže, a 41 lakše povrijeđen, jedan putnik je teže, a 28 lakše povrijeđeno, dok je 12 pješaka teže, a 13 lakše povrijeđeno.

⁴ Dana 09.05.2016. godine, na Zapadnom prilazu gradu, u mjestu Blažuj (općina Ilidža), poginuo je R. B. (84) – pješak.
Dana 29. 05. 2016. godine, na magistralnom putu M 17, u mjestu Dupovci (općina Hadžići), poginuo je O. E. (40)- vozač motocikla.

Najveći broj povrijeđenih lica registrovan je na području općine Novi Grad – 32 (pet teže i 27 lakše).

Posljedice saobraćajnih nezgoda po policijskim upravama/stanicama za mjesec Maj 2016./2015. godina

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		Maj 2016.	Maj 2015.	uporedba	Maj 2016.	Maj 2015.	uporedba	Maj 2016.	Maj 2015.	uporedba
I PU	Stari grad	0	0	-----	1	1	isto	1	2	- 1 ili 50 %
	Centar	0	0	-----	1	4	- 3 ili 75 %	10	20	- 10 ili 50 %
II PU	Novo Sarajevo	0	1	- 1	2	3	- 1 ili 33,3 %	16	6	+ 10 ili 166,7 %
III PU	Novi Grad	0	0	----	5	2	+ 3 ili 150 %	27	21	+ 6 ili 28,6 %
IV PU	Ilidža	1	0	+ 1	3	3	isto	11	14	- 3 ili 21,4 %
	Hadžići	1	0	+ 1	1	0	+ 1	1	4	- 3 ili 75 %
	Trnovo	0	0	-----	0	0	-----	0	0	-----
V PU	Vogošća	0	0	-----	2	0	+ 2	6	13	- 7 ili 53,8 %
	Ilijaš	0	0	-----	3	1	+ 2 ili 200 %	10	6	+ 4 ili 66,7 %
UKUPNO		2	1	+ 1 ili 100 %	18	14	+ 4 ili 28,6 %	82	86	- 4 ili 4,6 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 22 lica, od 25 do 30 godina – 18 lica, od 51 do 65 godina – 15 lica, od 41 do 50 godina - 14 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 753 nezgode u kojima su 74 lica povrijeđena, zatim na magistralnim putevima – 107 nezgoda u kojima je 12 lica nastradalo (jedno lice poginulo, 11 lica povrijeđeno), na lokalnim putevima – 79 nezgoda (osam lica povrijeđeno), na regionalnim putevima – 24 nezgode (tri lica povrijeđena) i na putevima koji se ubrajaju u kategoriju ostalih – 42 saobraćajne nezgode sa pet nastradalih lica (jedno lice poginulo, četiri lica povrijeđena).

3.2. UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 846 (dva lica poginula, 65 lica povrijeđeno), neprilagođena brzina – 141 (35 lica povrijeđeno) i uticaj alkohola – 18 (bez nastradalih lica).

Evidentirano je devet saobraćajnih nezgoda (pet više), u kojima su učestvovali pripadnici MUP-a (sedam saobraćajnih nezgoda u kojima su učestvovali pripadnici MUP-a Kantona Sarajevo i dvije nezgode u kojima su učestvovali pripadnici FMUP-a). U navedenim saobraćajnim nezgodama nije bilo nastradalih lica.

Evidentirano je 38 saobraćajnih nezgoda (tri više) u kojima su učestvovali inostrani vozači i četiri nezgode (jedna više) u kojima su učestvovala vozila međunarodnih organizacija (bez nastradalih lica).

3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec Maj 2016. /2015. godina

	Maj 2016/2015	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2016	23.854	6.230	3.823	2.712	4.576	2.002	4.511
	2015	22.289	5.066	3.980	4.021	3.988	817	4.417
broj uručenih prekršajnih naloga	2016	18.859	4.800	3.573	1.370	1.468	765	6.883
	2015	17.510	4.546	3.897	824	1.257	336	6.650
broj zahtjeva za p.p.p.	2016	21	3	0	13	4	1	0
	2015	58	3	2	12	36	3	2
broj isključenih vozila iz saobraćaja zbog tehničke neispravnosti	2016	68	3	2	0	4	1	58
	2015	50	0	1	0	0	0	49
broj vozača zatečenih da upravljaju vozilom pod dejstvom alkohola	2016	430	136	59	16	63	41	115
	2015	453	211	68	9	22	18	125
broj vozača zatečenih da upravljaju vozilom bez korištenja sig. pojasa	2016	611	227	99	101	104	80	0
	2015	469	92	189	70	100	18	0
broj vozača zatečenih da upravljaju vozilom bez položenog vozačkog ispita	2016	314	71	63	18	28	21	113
	2015	258	95	32	5	19	9	98
broj vozača zatečenih da upravljaju vozilom pod izrečenom zaštitnom mj.	2016	0	0	0	0	0	0	0
	2015	0	0	0	0	0	0	0
broj vozila otkrivenih da učestvuju u saobraćaju bez važeće registracije	2016	265	40	38	8	58	40	81
	2015	196	40	20	6	27	15	88

Tokom mjeseca maja 2016. godine, kontrolisana su ukupno 23.854 vozila (1.565 više), 5.215 lica u vozilima (1.724 više), izvršen je pregled 632 vozila (435 više) i 508 lica u tim vozilima (349 više).

Zbog tehničke neispravnosti iz saobraćaja je isključeno 68 vozila (18 više), 430 vozača je zatečeno da upravljaju vozilom pod dejstvom alkohola (23 manje), 611 bez korištenja sigurnosnog pojasa (142 više), 314 bez položenog vozačkog ispita (56 više), a 265 vozača je učestvovalo u saobraćaju bez važeće registracije (69 više).

Zbog kršenja propisa iz oblasti sigurnosti saobraćaja uručeno je 18.859 prekršajnih naloga vozačima (1.349 više u odnosu na maj prošle godine) i podnesen 21 zahtjev za pokretanje prekršajnog postupka (37 manje).

3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca Maja 2016. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 8.550 prekršajnih naloga (438 više), upozorena su 404 vozača (34 više), a specijalnim vozilom "pauk" premješteno je 186 vozila (62 manje).

3.4.1. URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Zbog nedozvoljenog parkiranja, najveći broj prekršajnih naloga uručen je na području općine Centar – 2.973, zatim: Novog Sarajeva –1.781, Starog Grada- 1.457, Novog Grada – 732, Ilidže – 477, Hadžića – 206, Vogošće – 83, Ilijaša – 20.

Službenici Jedinice za saobraćaj uručili su 821 prekršajni nalog vozačima.

Takođe, pješacima koji su kršili propise uručeno je 298 prekršajnih naloga (193 više), a upozoreno je 99 pješaka (22 više).

4. ZAKONITOST U RADU

Tokom mjeseca Maja 2016. godine, nisu registrovani napadi na policijske službenike MUP-a Kantona Sarajevo (u istom mjesecu prošle godine registrovan je jedan napad).

Policijski službenici su u tri slučaja opravdano upotrijebili silu (isto):

- fizičku snagu i sredstva za vezivanje – tri puta
Prva PU - dva puta (PS Stari Grad; PS Centar)
Četvrta PU (PS Ilidža) – jednom

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U mjesecu Maju 2016. godine evidentirano je pet djela regulisanih ZONDINOIM-om (dva više) počinjenih od strane pet lica od kojih je jedno lišeno slobode.

U sklopu aktivnosti na oduzimanju nelegalno posjedovanog oružja i drugih predmeta oduzete su: dvije puške, četiri pištolja, 21 „nož, mač, sablja i sl.“, jedan bokser, 56 komada municije raznog kalibra, itd.

U izvještajnom mjesecu fizičkim licima izdato je 121-no odobrenje za nabavku vatrenog oružja (12 više) i 104 oružna lista (osam više).